

09 AUGUST RUGĂCIUNEA 2 SOBORULUI SF.SOLOVEȚULUI

Моли́тва

О́, Божество́нный по́лче, небеснии во́ини Христа́ Бо́га, преподо́бнии и богоно́снии отцы́ Солове́цкии! Вы́ пер́вее ра́лом евангелъских учений ду́шы своя́ плодоно́сны яви́ли есте́, по́слежде и непло́дную пусты́ню сию́ я́ко благоцвету́щий ра́й соде́лали есте́ и яви́лися есте́ же́ртвы благоприя́тныя Бо́гу, преобразивше́ся умным де́ланием, во све́те невече́рнем узре́ли есте́ бу́дущия жи́зни сла́ву. Божество́нным огне́м ду́шы своя́ возже́гше, востекли́ есте́ в Сио́н го́рний, и нетва́рнаго све́та причасты́лися есте́. Те́мже и на́м на земли́ су́щым, ходата́йствуйте ду́шам спасе́ние, земных пло́дов изобилие, времена́ мирна, бла́га, да и мы́ недосто́йнии, направля́емии ва́шими моли́твами, поне́ на ко́нec на́шего многомяте́жнаго жития́, возлю́бим ве́чная па́че вре́менных, и во еди́нонадеся́тый час, порабо́таем со усер́дием Небе́сному Домовлады́це Христу́, и услы́шим Его́ благоуве́тливый гла́с: приидите насле́дуйте угото́ванное ва́м Ца́рство от сложе́ния ми́ра. Ами́нь.

